

Regionalni izbori utiču na vaš svakodnevni život

Dana 13. septembra 2026. održavaju se izbori za regionalnu skupštinu Västra Götaland. Političari u regionalnoj skupštini odlučuju o tome kako će se upravljati Regijom Västra Götaland.

O čemu se radi u regionalnim izborima?

Regija Västra Götaland odgovorna je za stvari koje utiču na vaš svakodnevni život, kao što su zdravstvo, stomatološka zaštita, kultura i javni prevoz. Takođe radimo na razvoju privrede, zaštiti okoliša i javnom zdravlju.

Regionalni izbori se, između ostalog, tiču:

- Brige o zdravlju u bolnicama, domovima zdravlja ili javnoj stomatološkoj službi.
- Putovanja autobusima, tramvajima i prigradskim vozovima.
- Kulturnih doživljaja poput Geteborgške opere, Geteborškog botaničkog vrta i nekoliko muzeja.

Na šta možete uticati?

Glasate za stranku i političare za koje smatrate da treba da donose odluke u Regiji Västra Götaland u naredne četiri godine.

Stranke koje dobiju najviše glasova dobijaju najviše mjesta u regionalnoj skupštini. Regionalna skupština odlučuje o visini regionalnog poreza i načinu na koji će se novac koristiti. Ona takođe određuje kako će se razvijati djelatnosti u regiji i koji će političari biti članovi drugih odbora i upravnih tijela.

Ko ima pravo glasa?

Pravo glasa imate ako ste napunili 18 godina najkasnije na dan izbora i imate prijavljeno prebivalište u Regiji Västra Götaland. Takođe morate biti:

- švedski državljanin ili
- državljanin neke zemlje EU, Islanda ili Norveške ili
- državljanin druge zemlje, ili osoba bez državljanstva, koja je bila prijavljena u Švedskoj najmanje tri uzastopne godine prije dana izbora.

Izbori za regionalnu skupštinu održavaju se istovremeno kad i izbori za parlament i opštine. Više informacija o regionalnim izborima možete pronaći na www.vgregion.se/regionval (informacije na švedskom).